



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

Komunikadu Imprensa **26 Feveiru 2014**

JSMP ho Timor Post Kontinua Servisu hamutuk ba Tinan ida tan hodi fasilita asesu públiku ba informasaun legál no justisa

Ohin 26 Feveiru 2013, equipa JSMP hasoru malu ho Diretór Interinu Timor Post hodi koalia kona-ba Nota de Entedementu ne'ebé sei reamta iha Feveiru 2014. Iha enkontru ne'e JSMP ho Timor Post konkorda atu kontinua servisu hamutuk durante tinan ida tan.

Objetivu prinsipal husi kontinuaun akordu ne'e mak atu kontinua provome divulgasaun informasaun legál no justisa liu-liu kona-ba progeseu no dezafius sira ne'ebé sistema justisa ne'e hasoru, faktu sira ne'ebé akontese iha tribunál no provome asesu públiku setór justisa.

“Akordu ne'e hanesan parte ida husi komitmentu JSMP nian oinsa atu kontinua fahe informasaun sira liu-liu informasaun kona-ba lalaok sistema justisa formal iha Timor, nune'e mos atu kontribui ba prosesu hasae konsensia públiku kona-ba importansia setór justisa no partisipasaun públik iha prosesu dezevolvimentu setór justisa iha Timor Leste, liuhusi divulgasaun informasaun legal no justisa”, dehan Diretór Ezekutivu JSMP Luís de Oliveira Samapio.

Iha parte seluk Diretór Interinu Timor Post Jose Ximenes, haktuir katak Timor Post sente kontente no hanesan onra boot ida ba Timor Post atu kontinua servisu ho JSMP. Liu-liu tanba informasaun ne'ebé JSMP publika liuhusi Journal Timor post ne'e importante tebes no ema barak mak asesu tanba informasaun ne'e útil tebe-tebes ba públiku.

Liu tan nia hatutan katak informasaun sira ne'ebé JSMP fahe ne'e hanesan informasaun edukativu. Tanba ne'e Timor Post sente haksolok no públiku enjerál sente kontente bainhira JSMP kontinua fahe informasaun ne'e ba públiku.

Akordu ne'e estabesele tanba hetan apoiu finanseiru husi doadores *UNDEF, Justice Support Facility*.

Atu hetan informasaun kompleitu bele kontaktu:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
info@jsmp.minihub.org
Telefone: 3323883 | 77295795
Website: www.jsmp.tl

Face book: www.facebook.com/timorleste.jsmp
Twitter: @JSMPtl